



# Etički kodeksi u Općini Tešanj

U Općini Tešanj se primjenjuju tri kodeksa koji se odnose na organe Općine:

1. Etički kodeks ponašanja izabranih zvaničnika – vijećnika u Općinskom vijeću Tešanj,
2. Etički kodeks za državne službenike u Federaciji Bosne i Hercegovine,
3. Kodeks ponašanja zaposlenih Općine Tešanj.

Kodeksi su dostupni na internet stranici Općine ([www.opcina-tesanj.ba](http://www.opcina-tesanj.ba)).



## Etički kodeks ponašanja izabranih zvaničnika – vijećnika u Općinskom vijeću Tešanj

utvrđuje i promovira etičke principe i standarde ponašanja i rada izabranih zvaničnika – vijećnika/vijećnica u cilju kvalitetnog ostvarivanja mandata u interesu svih građana/građanki Općine Tešanj.



## Kodeks ponašanja zaposlenih Općine Tešanj

predstavlja obavezne smjernice za sve uposlene i sve urede Općine Tešanj, uključujući namještenike, službenike kao i rukovodnu strukturu: pomoćnike Općinskog načelnika/načelnice, savjetnike Općinskog načelnika/načelnice i Općinskog načelnika



## Etički kodeks za državne službenike u Federaciji Bosne i Hercegovine

sadrži pravila i principe dobrog ponašanja državnih službenika/službenica prema građanima/građankama i u međusobnim odnosima državnih službenika/službenica, kao i upoznavanje građana/građanki sa ponašanjem koje imaju pravo očekivati od državnih službenika/službenica.

### Šta predstavlja kršenje kodeksa?

Kršenje kodeksa predstavlja svako ponašanje zvaničnika/zvaničnica ili službenika/službenica koje nije u skladu sa propisanim načelima i pravilima ponašanja. Ovo može da se odnosi na pravila ponašanja (npr. prisutnost i ponašanje vijećnika/vijećnica na sjednicama ili u nastupima u javnosti, vrijeme dolaska na posao ili odlaska s posla službenika/službenica u Općinskoj upravi, prisutnost na radnom mjestu, način ophođenja prema strankama, urednost u rješavanju službenih radnji i dr.), ali i na specifična pitanja u vezi sa traženjem/primanjem poklona, sukobom interesa i dr.

### Gdje građani/građanke mogu prijaviti kršenje odredbi kodeksa?

Prijave u vezi sa ponašanjem vijećnika/vijećnica se podnose Komisiji za primjenu Kodeksa ponašanja vijećnika u Općinskom vijeću Tešanj, na sljedeće kontakte:



Općina Tešanj, Općinsko vijeće,  
Komisija za primjenu Kodeksa ponašanja vijećnika,  
Trg Alije Izetbegovića 1,  
sa naznakom „Za Komisiju za primjenu Kodeksa ponašanja vijećnika“.

Pritužbe koja se odnose na službenike/službenice Općinske uprave se podnose Općinskom načelniku/načelnici, na sljedeće kontakte:



Općina Tešanj, Općinski načelnik/načelnica,  
Trg Alije Izetbegovića 1,  
sa naznakom: „Pritužba na rad“,  
ukoliko se radi o pritužbi na rad službenika/službenice,



Općina Tešanj, predsjedavajući/predsjedavajuća Općinskog vijeća,  
Trg Alije Izetbegovića 1,  
sa naznakom „Pritužba u oblasti rada Općinskog vijeća“,  
ukoliko se radi o pritužbi na rad sekretara/sekretarke Općinskog vijeća.

### Šta građani/građanke treba da znaju o svojim pravima u vezi kodeksa?

Važno je znati da građani/građanke mogu i trebaju imati aktivnu ulogu u vezi sa primjenom kodeksa. Ova aktivna uloga podrazumijeva upućenost građana/građanki kako u obavezama koje za zvaničnike/zvaničnice i službenike/službenice proizilaze iz kodeksa, tako i u sopstvena prava, a posebno pravo da prijave sumnju u kršenje kodeksa, te pravo da budu informisani o rezultatima prijave.

### Gdje se mogu pronaći dodatne informacije o kodeksima?

Dodatne informacije građani/građanke mogu pronaći u vodičima o primjeni kodeksa koji su dostupni online na internet stranici Općine ([www.opcina-tesanj.ba](http://www.opcina-tesanj.ba)), te u štampanom obliku u prostorijama Općinske uprave. Takođe, dodatne informacije i pojašnjenja se mogu dobiti u Kabinetu Općinskog načelnika/načelnice, na sljedeći kontakt:



032 650 022